



UNIVERSITÄTS-
BIBLIOTHEK
PADERBORN

Universitätsbibliothek Paderborn

Basilea Sacra Sive Episcopatus Et Episcoporum Basileensium Origo Ac Series

Sudan, Claudius

Brvntrvti, 1658

69. Guilielmus Rinck à Baldenstein.

urn:nbn:de:hbz:466:1-11463

Episcoporum series. 395

*Societ. Jesu feliciter adificasset, Anno
Liberaliterq; dotasset, Christi*

Vitam hanc cum meliore commutavit

XIV. Calend. Maij, anno Christi

M.DC.VIII. etatis suae LXVI.

Episcopatus XXXIII.

GVILIELMVS 1608.

Rinck, à Baldenstein.

Basileensis Episcopus.

LXIX.

IN oppido S. Vrsicini, anno 1608.
Iplura Canonorum suffragia (qui-
bus colligendis, deputati Reverendis-
simus Pro-Episcopus Baer, Abbates
Lucellensis & Bellelagiensis) Epi-
scopatum regendum Guilielmo
Rinck à Baldenstein commiserunt.
Dies post electionem ritè peractam
sequentes sacramento à subditis ac-
cipiendo sunt occupati. Atque ubi
per.

Anno
Christi
1680.

perspectum habuit Diœcesis statum, Antecessoris sui vestigiis, quam proximè posset, insistere & virtutis avunculi sui Iacobi Christophori hæredem ex asse genuinum se probare, apud animum constituit. Palmariam verò laudem promeritus est, religiosissimus Princeps, erectâ, & magna ex parte fundatâ Virginitibus Ursulinis domo, templo & scholis, quod ædificium venusta potius mundities, quam magnifica & ampla structuræ facies commendet. Mens erat optimo Principi, ut, quem admodum masculæ iuventuti sicut & virili maturitati Antecessor eius, per Societatis IESV Patres, providebat sapienter, à quibus cum bonis litteris, pietate ac fide Orthodoxa instruerentur, aut in ea confirmarentur; ita & puellari ætati, ac sequiori sexui studiose circumspexerat, ne deessent, à quibus intra privatos

tos parietes familiarius mores Chri-
stianos excultos, & virtutem, scribe-
re præterea & legere, acu pingere,
atque alia conditioni suæ congrua
edocerentur. Quam autem felici-
ter intentum suum assecutus fuerit,
ostendit, non ita multò post, fructus
insignis, qui ex sedula dictarum Vir-
ginum instructione & disciplina
consecutus est. Et certè feminea
quid possit virtus ad viros in officio
religionis continendos, vel ad pieta-
tem impellendos, præsertim ubi
hæresis grassatur contagio, millenæ
compertum faciunt historiæ.

Ad Gymnasium verò Patrum So-
cietatis curæ addictum, ut suam &
ipse symbolam conferret, quæstio-
nes de fide controversas exponi vo-
luit, constitutis Professori alendo
sumptibus, ita ut nova scholæ ac-
cessio ad Moralem Theologiam &
Dialecticam, Gymnasio insigne af-
ferre:

*Ann.
Christi
1680.*

Anno
Christi
1680.

ferret ornamentum. Siquidem ex his scholis brevi tempore sacris imbuti scientiis complures prodierunt, curandis parochiis perquam idonei sacerdotes, totius Dioecesis emolumento singulari, quod in votis erat Principi, at, proh dolor! tumultibus bellicis immaturè disturbatum.

Plura alia per Dioecesein admisit religiosorum domicilia Guilielmus Princeps. Ensisheimij Patribus Societatis habitationem permisit, quin & Patribus Capucinis Delspergenssem Conventum unà cum templo non ineleganti auspicatus erat; perfecisset etiam, si perficiendi spatium mors inopina concessisset. Antiquatis Basileensibus, Missale & Breviarium instituit per Dioecesein Romanum, collectis tamen in peculiare Menologium Dioeceseos sanctis; meditatus præterea ritus Basileensis
Episco-

Episcopatus ad morem Romanum aptare. Sed, à Guilielmo non ita decerpi laudis materia debuerat, quin successoribus aliquid superesset.

Anno
Christi
1608.

Quod publicum boni communis studium ita promovebat Princeps, ut ante alios animum privatis religionis exercitiis excoleret. Perfrequens erat ad aram, non modò festis, sed & profestis ac feriatis diebus, magno semper animi sensu rem divinam perficere solitus. Delectabatur comprimis bonorum, præsertim Asceticorum librorum assidua lectione, quos de mensa publica & privata ab proprio Anagnoste præ omni ciborum lautitia degustabat suaviùs, & aliàs per otium in multam sæpe noctem lectitari attentè audiebat. Admiranda sanè fuit illa sollicitudo, quâ præclarissimus Antistes subditos vitiis corruptos, aut hæresi

hæresi

Anno
Christi
1680.

hæresi infectos ad frugem veramque Religionem studebat reducere: qua in re suam utiliter locavit operam in pago Alschvylensi Basileæ proximo, ex quo Prædicantem hæreticum abegit, & errantes oves bonus Pastor ad reliquum Ecclesiæ gregem reduxit feliciter, inchoata deinde ad exitum pleniorum perducere successore.

Charitate in pauperes & egenos tantâ excelluit, ut integri mendicantium greges, ex vicinis remotisque pagis & ex ipsa urbe certatim confluentes, pluribus ad portam arcis hebdomadæ diebus, largâ stipe donarentur.

Duodecim præterea, quandoque plures studiosos alebat in peculiari suburbij domo, submissis liberaliter ex aula cibus, ut præter litterarum studia, cantu & instrumentorum musicorum peritiâ imbuerentur, ad
jucun-

jucundum in templis animandæ pietatis oblectamentum.

*Anna
Christi
1628*

Necdum erogandi satur, mandaverat insuper deportari semel iterumque per hebdomadem pregrandes saccos panibus plenos ad scholarum limen, distribuendos per Promocondum in tenuioris fortunæ studiosos, non promiscuè quidem, sed ut panum magnitudo diligentiorum æquaret merita, magno ad exacuendam alacritatem in studiis stimulo, quo sanè plures ingenui adolescentes emerferunt ad lucem, qui reliquo vitæ decursu è paupertinâ tribu obscuri delituissent. Sacerdotibus quibusvis eum deferebat honorem, quem sacer ille meretur status. Si quos fortè citaverat, aut aliam ob causam, ad colloquium admiserat, sine adhortatione vehementi ad virtutes viro Ecclesiastico dignas, nunquam dimisit: præfer-

C c

tim

*Ann.
Christi
1628.*

tim verò castimoniā & sobrieta-
tem, quarum ipse studiosissimus
erat, illis, quibus onus animarū-
que cura incumberet, maiorem in
modum inculcabat.

In his sacro Principe dignissimis
virtutibus solerter obeundis & ad-
huc, dum maiora conciperet, incita-
tus vitæ decursus metam attigit
Bruntruti 1628. 23. Octobr. cū bi-
duo antè, die nimirum S. Vrsulæ sa-
cris operatus, & post Augustam ver-
borum formulam, elevando sacram
hostiam, inflexa genua, præ subiti
morbi violentia, sine ministrantium
adminiculo erigere non potuisset.
Annum ætatis attigerat 62. Episcopa-
tûs 20. Funus profecuti sunt Cives
Bruntrutani uberibus lacrimis, qui-
buscum nimirum hætenus ipsi
convenisset optimè; sepultus dein-
de trigesima mensis eiusdem die
pompa funebri in templo Societatis

IESV

IESV in crypta avunculi Antecessoris, quâ sepulturâ donari, multo ante mortem tempore, ab admodum Rever. Patre Societatis Præposito Generali scriptis litteris impetrârat.

*Anno
Christi
1628*

IOAN. HENRICVS

AB OST EIN.

Basileensis Episcopus.

LXX.

SVffragia Canonorum duabus factionibus, & numero utrimq; æqualia, necesse tandem fuit Arbitrorum iudicio committere, factò in id, quod statuerent, unanimi compromisso. Quâ ratione super Ioannem Henricum ab Ostein cecidit sors, seu potius gravissimum Episcopatus pondus, iniquissimis prorsus gerendum temporibus, 27. die eiusdem anni 1628. Et verò, remotissimum fuisse illum à dignitatis

C c 2

huius